



### Գ. Կիրակի Չկնի Յայտնութեան



#### ԺԱՄԱՄՈՒՏ

Միածին Որդի եւ Աստուծոյ Խօսք, եւ անմահ՝ Եւրթիւն, որ յանձն առիր մարմնանալ սուրբ եւ միշտ կոյս Աստուածածինէն, անփոփոխելիդ՝ մարդ դառնալով խաչուեցար, Զրիստո՛ս Աստուած եւ մահովդ՝ մահը խորտակեցիր. մին անձերէն՝ Ամենասուրբ Երրորդութեան, արժանի փառքի՝ Զօր եւ Զոգւոյն հետ փրկե՛մեզ:

#### ՃԱՇՈՒ ՇԱՐԱԿԱՆ ՅԱՐՈՒԹԵԱՆ ԳԿ.

Քու աստուածութեանդ լոյսով, Զրիստոս, լուսաւորեցիր սուրբ Եկեղեցին. անշարժ պահէ զայն յաւիտեան:

Այսօր Երուսաղէմը կը տօնէ հաւատացեալներու բազմութեան հետ Սուրբ Եկեղեցոյ նաւակատիքը, անշարժ պահէ զայն յաւիտեան:

Բացուեցան նոր Սիոնի հաւատքի դռները, առագաստին մէջ ընդունելու անմահ Փեսադ, անշարժ պահէ զայն յաւիտեան:

## ՄԵՍԵՂԻ (Սղմ. 64, 2 եւ 3)

Աստուած իմ, Սիոնի վրայ կատարուած փառաբանութիւնը միայն քեզի կը վայելէ եւ Երուսաղէմի մէջ քեզի աղօթքներ թող բարձրանան:

Աղօթքներս լսէ՛, եւ ամէն մարմնաւոր էակ՝ քեզի թո՛ղ գայ, քեզի թո՛ղ դիմէ:

## ԸՆԹԵՐՅՈՒԱԾ ՊԱՅՔԱՐԻԼ ԱՄԵՏԱՐԱՆԻՆ ՅԱՄԱՐ

**Պօղոս Առաքեալին Տիմոթէոսի ուղղած Երկրորդ Թուղթն է ընթերցուածը.  
(2. Տիմ. 1, 1-9)**

Պօղոս, Աստուծոյ կամքով առաքեալ Յիսուս Զրիստոսի, ըստ կեանքի խոստումին՝ Յիսուս Զրիստոսի, Տիմոթէոսի մեր սիրելի որդիին: Շնորհք, ողորմութիւն եւ խաղաղութիւն, Հօր Աստուծոյ եւ մեր Տիրոջ Յիսուս Զրիստոսի կողմէ: Գոհութիւն կը մատուցանեմ Աստուծոյ, զոր կը պաշտեմ մաքուր խիղճով՝ հետեւելով իմ նախնիքներուն, երբ անդադար, գիշեր ցերեկ, քեզ կը յիշեմ աղօթքներուն մէջ: Միտքս բերելով քու արցունքներդ, սաստիկ բաղձանքը կ'ունենամ քեզ տեսնելու եւ ուրախութեամբ համակելու: Կը յիշեմ անշեղ հաւատքը, որ կայ քու մէջդ, որ նախապէս կար քու մեծ մօրդ, Լաւոդիայի, ինչպէս նաեւ մօրդ՝ Եւնիկէի սրտին մէջ եւ համոզուած եմ, թէ կը մնայ նաեւ քու սրտիդ մէջ: Ասոր համար կը յիշեցնեմ քեզի, որ արժարծես Աստուծոյ շնորհքը, որ տրուեցաւ քեզի իմ ձեռնադրութեամբս: Աստուած վախի հոգի մը չտուաւ մեզի, այլ՝ հոգին զօրութեան, սիրոյ, զգաստութեան: Այսուհետեւ ուրեմն, վկայութիւնը մեր Տիրոջ Յիսուս Զրիստոսի, եւ զիս՝ անոր կալանաւորը, քեզի ամօթ մի՛ համարեր, այլ՝ մասնակից եղի՛ր Աւետարանին համար



կրած չարչարանքներուն, ըստ Աստուծոյ զօրութեան, որ փրկեց մեզ եւ կանչեց սուրբ կոչումով, ո՛չ մեր գործերուն համաձայն, այլ՝ իր հաճութեան եւ շնորհքին համաձայն, որ ի յաւիտենից մեզի տըրուեցաւ Յիսուս Զրիստոսի միջոցաւ:

### ***Ալէլուիա, Ալէլուիա,***

Եկէ՛ք, եւ Աստուծոյ գործերը տեսէք, թէ որքան աներեւակայելի իմաստութեամբ եւ խելացի կերպով ծրագրուած են անոնք, եթէ մարդոց գործերուն հետ համեմատելու ելլենք:

**(Սղմ. 65, 5)**

***Ալէլուիա:***

## ԱՒԵՏԱՐԱՆ

### ՅԻՍՈՒՍ ՅՈԳԻ Է (Յուվհ. 4, 24-42)

«Աստուած հոգի է. եւ երկրպագողները պետք է զինք պաշտեն Յոգիով եւ ճշմարտութեամբ»:

Կինն ըսաւ. «Գիտեմ թէ Մեսիան պիտի գայ. ան, որ Քրիստոս կը կոչեն: Երբ գայ՝ ամէն բան պիտի յայտնէ մեզի»: Յիսուս ըսաւ. «Ես եմ, որ քեզի կը խօսիմ»:

Նոյն ժամուն աշակերտները հասան եւ զարմացան, որ կնոջ մը հետ կը խօսէր, բայց ո՛չ ոք համարձակեցաւ ըսել, թէ ի՞նչ կ'ուզես անկէ, կամ ինչո՞ւ հետը կը խօսիս: Կինը թողուց կուժը, վազեց քաղաք եւ ըսաւ մարդոց. «Եկէ՛ք, տեսէք, մարդ մը, որ ինծի ըսաւ ինչ որ ըրած եմ. արդեօք ա՞ն է Քրիստոսը»:

Ելան քաղաքէն եւ Յիսուսի քով եկան: Մինչ այն, աշակերտները կ'աղաչէին Յիսուսի եւ կ'ըսէին. «Ռաբբի, կերակուր կեր»: Յիսուս ըսաւ անոնց. «Ես ունիմ ուտելիք կերակուր մը, զոր դուք չէք գիտեր»:

Աշակերտները իրարու կ'ըսէին. «Արդե՞օք մէկը կերակուր բերաւ իրեն»: «Իմ կերակուրս է, պատասխանեց Յիսուս, կատարել կամքը եւ ընել գործերն Անոր, որ զիս զրկեց: Դուք չէ՞ք ըսեր, թէ չորս ամիսէն հունձքը կը հասնի: Ես կ'ըսեմ ձեզի, բարձրացուցէ՛ք ձեր աչքերը եւ տեսէ՛ք դաշտերը, որոնք սպիտակացած են հունձքի համար: Հնձողը իր վարձքը կ'առնէ եւ պտուղ կը հաւաքէ յաւիտենա-



կան կեանքի համար եւ թէ՛ սերմանողը, թէ՛ հնձողը միասին կ'ուրախանան: Ծշմարիտ է առածը, որ կ'ըսէ. 'Մէկը կը սերմանէ, ուրիշ մը կը հնձէ': Ես զրկեցի ձեզ հնձել հոն, ուր վաստակ չունէիք: Ուրիշներ վաստակեցան եւ դուք անոնց վաստակին պտուղը ժառանգեցիք»:

Այն քաղաքին Սամարացիներէն շատեր հաւատացին Յիսուսի, կնոջ խօսքին համար, որով վկայեց, թէ ըսաւ ինծի ամէն բան, որ ես ըրած եմ: Իսկ երբ Յիսուսի մօտ եկան՝ աղաչեցին, որ իրենց քով մնայ, Յիսուս երկու օր մնաց այն քաղաքը: Եւ դեռ շատեր հաւատացին իր խօսքերուն պատճառով եւ կ'ըսէին կնոջ. «Այսուհետեւ քու խօսքերուդ համար չէ որ կը հաւատանք, այլ, որովհետեւ մենք անձամբ լսեցինք անկէ եւ ստուգապէս գիտեսք, թէ ինքն է աշխարհի Փրկիչը»:

### ԽՈՐՀՐԳԱԾՈՒԹԻՒՆ

#### «Իմ կերակուրս է կատարել կամքը եւ ընել գործերն Անոր որ զիս զրկեց»

Երբ աշակերտները աղաչեցին Յիսուսի որ կերակուր ուտէ, ան պատասխանեց ըսելով. Իմ կերակուրս է կատարել կամքը եւ ընել գործերն Անոր որ զիս զրկեց»: Այս խօսքով Քրիստոս ու-

զեց մեզի հասկցնել թէ իրեն համար Աստուծոյ կամքը կատարելը նման է առօրեայ սնունդին, որ մեզի կը պարգեւէ ուժ եւ կոռով յառաջ երթալու մեր կեանքին մէջ: Իւրաքանչիւր քրիստոն-

եայ կանչուած է կերտելու իր ընթացքը համաձայն Աստուծոյ կամքին, հաւատարիմ մնալու համար իր ինքնութեան զոր ստացաւ մկրտութեան օրը: Աստուծոյ կամքը կատարել կը նշանակէ ընել այն ինչ որ ինք կ'ուզէ, կ'ըսէ, կը հրամայէ եւ կը խրատէ: Աստուծոյ կամքը կատարել կը նշանակէ զինքը լսել եւ իրեն հնազանդիլ, կը նշանակէ վստահութեամբ, խոնարհութեամբ եւ անձնուրածութեամբ ենթարկուիլ իրեն: Երբ քու կեանքդ կը նուիրես Աստուծոյ, երբ կը քալես Աստուծոյ հետ, երբ կ'ընդունիս ինքզինքդ որպէս Աստուծոյ զաւակ, կը դադրիս այլեւս մտածելէ քու անձնական ծրագիրներուդ, հաճոյքներուդ, երազներուդ եւ փափաքներուդ մասին: Աստուծոյ հօսքին համաձայն ապրիլը կը պահանջէ մեզմէ կարողալ Աստուծաշունչը, եւ մտածել իւրաքանչիւր հօսքին մասին, որովհետեւ հոն կրնանք գտնել կամքն Աստուծոյ որ մեզ ստեղծեց, մեզի կեանք տուաւ, եւ տուաւ նաեւ ազատութիւնն որոշելու ու ընտրելու: Ոմանք կը կարծեն թէ Աստուծոյ կամքը կատարելը կը հակասէ ազատութեան հետ, սակայն Քրիստոս



մեզի կը սորվեցնէ թէ մեր ազատութիւնը պետք է մասնակից դառնայ Աստուծոյ կամքին, որովհետեւ իր հօսքն է որ մեզ պիտի ազատագրէ, իր հօսքն է որ մեզ պիտի առաջնորդէ, պիտի զօրացունէ, պիտի լուսաբանէ: Աստուած ծրագիր մը ունի կատարելիք քու անձիդ ընդմէջէն եւ քու անձիդ համար, եւ անով կ'ուզէ արժեւորել քու գոյութիւնդ այս աշխարհին մէջ:

## ՍՈՒՐԲ ԽԱԶ ԵԿԵՂԵՑԻՈՅ ԺՈՂՈՎՐԴԱՊԵՏՈՒԹԻՒՆ

Բարեսէր Տիկնանց Միութիւնը

Ձեզ կը հրաւիրտ

### Յիսուսի Սուրբ Սրտին Նուիրուած Առաջին Ուրբաթի Ս. Պատարագին

Որուն պիտի յաջորդէ ԲԱՆԱԽՕՍՈՒԹԻՒՆ՝ Նիւթ Ունենալով Ոսկրափխրունութիւն (Osteoporosis)

Բանախօս՝

**Տօթ. Պետրոս Գարակէօզեան**

Ուրբաթ, 3 Փետրուար 2017, առաւօտեան ժամը 10.30 ին: Յաւարտ Ս. Պատարագի հիւրասիրութիւն:

Tel.: 01/ 570 559 - Fax: 01/ 570 558 e-mail: [eparchy@armeniancatholic.org](mailto:eparchy@armeniancatholic.org)  
[www.armeniancatholic.org](http://www.armeniancatholic.org)